

«31» օգոստոսի 2021թ.

ք. Երևան

ՀՀ պետական եկամուտների կոմիտեի իրավաբանական վարչության պետ Արման Մնացականյանս, քննելով մաքսային ձևակերպումների մասնագետ Անգին Աբրահամի Աբրոյանի վերաբերյալ նյութերը.

Պ Ա Ր Զ Ե Ց Ի

ՀՀ ՊԵԿ հետբացթողումային հսկողության վարչության աշխատակիցները իրականացրել են կամերալ մաքսային ստուգում «ՄԱՅՆ ԹԵՔ» ՍՊ ընկերությունում և հայտնաբերել, որ «ՄԱՅՆ ԹԵՔ» ՍՊ ընկերության անվամբ 03.09.2018թ. թիվ 05100010/030918/0047933, 25.12.2018թ. թիվ 05100010/251218/0088214 և 19.07.2019թ. թիվ 05100010/190719/0063836 ապրանքների հայտարարագրերով ՀՀ ներմուծված և ԵԱՏՄ ԱՏԳ ԱԱ 8431 43 000 00 և ԱՏԳ ԱԱ 8207 19 900 90 ծածկագրերով հայտարարագրված ապրանքները հայտարարագրվել են ծածկագրի վերաբերյալ ոչ ճշգրիտ տեղեկություններով:

Իրականացված ստուգման արդյունքում Կազմակերպության մի շարք գրություններով ներկայացված տեղեկատվությունների համաձայն՝ ներմուծված «Drill rod, 3m, 76mm» (PART NO 530000100), «Drill rod, 1.5m, 76mm» (PART NO 230076015) և «Rod 3m» (PART NO 230089030) անվանումներով ապրանքները պատրաստված են սառը ձգման կամ գլանման տեխնոլոգիայով այլ լեգիրացված պողպատից, լրիվ երկայնքով անկար, հիմնականում կլոր (եզրամասերի մոտ բանալու տեղերով), պրենցիզիոն՝ նույն արտաքին և ներքին լայնական կտրվածքով (բացառությամբ եզրամասերի ժապավենային փականների հատվածների), չունեն պատերի ավելացված հաստացումներ (բացառությամբ եզրամասերում), չեն հանդիսանում շրջապահ և պոմպակոմպրեսորային խողովակներ, իրար միանալու համար ծայրերում առկա են կոնաձև պարուրակավոր փականներ, որոնցից մեկը արտաքին, իսկ մյուսը ներքին, որոնք նախատեսված են երկարացումը ապահովելու, պտտող շարժումը (պտույտը) հորատող գործիքին փոխանցելու, այն հորատանցքեր իջեցնելու և բարձրացնելու համար:

Ստուգման արդյունքում պարզվել է, որ 03.09.2018թ. թիվ 05100010/030918/0047933 ԱՀ-ի՝ 2-րդ ապրանքային դիրքում հայտարարագրված «Impactor HB330A(hammer)» (PART NO HD330A) անվանմամբ ապրանքն ընկղման պնևմատիկային է (погружной пневмоударник), որն ըստ էության հանդիսանում է ինքնուրույն ապրանք, իսկ գործողության սկզբունքով՝ օդաճնշական հարվածային մեխանիզմ է, որի աշխատանքային սկզբունքը հիմնված է սեղմված օդի էներգիայի՝ հարվածի էներգիայի փոխակերպման վրա, որը չունի ամրացված այլ բաղկացուցիչներ՝ մասնավորապես թագազլիկներ (Долото):

ԵՏՀ խորհրդի 16.07.2012թ. թիվ 54 որոշման համաձայն՝ ԵԱՏՄ ԱՏԳ ԱԱ 8431 43 000 0 ծածկագրի պարզաբանման համաձայն՝ ներմուծված հորատման խողովակները ծանրացված և/կամ տանող չեն կարող համարվել, քանի որ չունեն պատերի ավելացված հաստացումներ (բացառությամբ եզրամասերում), ունեն 8մմ պատի հաստություն և լրիվ երկայնքով անկար, հիմնականում կլոր են (բացառությամբ եզրամասերի մոտ բանալու տեղերի): Այսինքն՝ հորատման խողովակները չեն հանդիսանում ծանրացված և տանող հորատման խողովակներ, ուստի դրանք կարող են հանդիսանալ միայն սովորական հորատման խողովակներ:

ՀՀ ՊԵԿ մաքսային հսկողության վարչության 16.07.2021թ. «Ապրանքի ոչ ճիշտ դասակարգում հայտնաբերելու դեպքում ապրանքի դասակարգման վերաբերյալ» թիվ ԱԴՈ-21-000054 որոշման համաձայն՝ նշված ԱՀ-ով հայտարարագրված ապրանքները ԵԱՏՄ ԱՏԳ ԱԱ 8431 43 000 00 ծածկագրի (մաքսատուրքի դրույքաչափը 0%, ԱԱՀ-ի դրույքաչափը՝ 0%) փոխարեն ենթակա են հայտարարագրման՝ ԵԱՏՄ ԱՏԳ ԱԱ 7304 51 810 90 ծածկագրով (մաքսատուրքի դրույքաչափը

7.5%, ԱԱՀ-ի դրույքաչափը՝ 20%), իսկ 09.07.2021թ. «Ապրանքի ոչ ճիշտ դասակարգում հայտնաբերելու դեպքում ապրանքի դասակարգման վերաբերյալ» թիվ ԱԴՈ-21-000053 որոշման համաձայն՝ **ԵԱՏՄ ԱՏԳ ԱԱ 8207 19 900 90 ծածկագրի** (մաքսատուրքի դրույքաչափը 3%, ԱԱՀ-ի դրույքաչափը՝ 20%) փոխարեն ենթակա են հայտարարագրման՝ **ԵԱՏՄ ԱՏԳ ԱԱ 8412 31 000 90 ծածկագրով** (մաքսատուրքի դրույքաչափը 10%, ԱԱՀ-ի դրույքաչափը՝ 0%):

Իրականացված կամերալ մաքսային ստուգման արդյունքում 26.07.2021թ. կազմվել է թիվ 0049-Ա ստուգման ակտը և «ՄԱՅՆ ԹԵՔ» ՍՊ ընկերությանն առաջարկվել է կատարել վերահայտարարագրում ԵԱՏՄ ԱՏԳ ԱԱ ճշգրիտ ծածկագրերին համապատասխան՝ վճարելով պակաս վճարված մաքսային վճարները: Կամերալ մաքսային ստուգման նյութերն ուղարկվել են ՀՀ ՊԵԿ իրավաբանական վարչություն մաքսային կանոնների խախտման հատկանիշների հարցը պարզելու համար:

Նյութերի ուսումնասիրման արդյունքում պարզվել է, որ 03.09.2018թ. թիվ 05100010/030918/0047933 ապրանքների հայտարարագիրը ներկայացրել է Անգին Աբրահամի Աբրոյանը: 2021 թվականի օգոստոսի 5-ին թիվ 05100010/030918/0047933 Ա/Հ-ում ապրանքի նկարագրության և ծածկագրի վերաբերյալ ոչ ճշգրիտ տեղեկություններ ներկայացնելու փաստի կապակցությամբ ՀՀ ՊԵԿ իրավաբանական վարչությունում Անգին Աբրահամի Աբրոյանի նկատմամբ ՀՀ մաքսային օրենսգրքի 203-րդ հոդվածի 1-ին մասի 2-րդ պարբերության հատկանիշներով կազմվել է մաքսային կանոնների խախտման վերաբերյալ արձանագրություն, որի մեկ օրինակն ուղարկվել է նրան:

Անգին Աբրահամի Աբրոյանը հայտնել է, որ «Մայն Թեք» ՍՊ ընկերության անվամբ թիվ 05100010/030918/0047933 ապրանքային հայտարարագրով ձևակերպված ապրանքների մասին ամբողջ տեղեկատվությունը և տեխնիկական բնութագրերը ստացել է ընկերությունից:

Վարչական վարույթի ընթացքում 16.08.2021թ. թիվ 11/11-3/50643-2021 գրությամբ հարցում է կատարվել «Մայն Թեք» ՍՊ ընկերության տնօրեն Արգամ Մուղդույանին, պարզելու՝ թե արդյո՞ք հայտարարագրման ընթացքում մաքսային ձևակերպումների մասնագետներ Աղասի Արայի Ասատրյանը, Ալեքսան Վարդանի Հայրապետյանը և Անգին Աբրահամի Աբրոյանը դիմել են «ՄԱՅՆ ԹԵՔ» ՍՊ ընկերությանը փաստաթղթերի կամ լրացուցիչ տեղեկությունների տրամադրման համար և ընկերությունը տրամադել է լրացուցիչ փաստաթղթեր մաքսային ձևակերպումներ կատարելիս: Միաժամանակ հայտնել՝ արդյո՞ք ընկերության կողմից ներկայացված փաստաթղթերը բավարար էին ճշգրիտ հայտարարագրում կատարելու համար և արդյո՞ք վերջիններս հատկացված փաստաթղթերի ուսումնասիրման արդյունքում կարող էին պարզել, որ ներկրված ապրանքները՝ «Հորատածող» նկարագրությամբ ապրանքը հանդիսանում է ոչ նավթագազային հորերատանցքերի հորատման համար նախատեսված, ոչ կորոզիակայուն լեգիրացված պողպատի այլ տեսակից պատրաստված, սառը ձգման կամ գլանման տեխնոլոգիայով պատրաստված պրեցիզիոն խողովակ, լրիվ երկայնքով անկար, իսկ «Ընկղման պնևմահարվածիչ» ապրանքատեսակը, որ հանդիսանում է հորատման համար նախատեսված ընկղման օդաճնշային հարվածիչ, միաժամանակ հայտնել վերջիններիս տրամադրվել է տեղեկատվություն ապրանքի նկարագրության և ծածկագրի վերաբերյալ, ինչպես նաև հնարավորության դեպքում տրամադրել պարզաբանում նշված ապրանքատեսակները հայտարարագրելիս ընկերության կողմից տրամադրված փաստաթղթերի և բանավոր տեղեկությունների վերաբերյալ, սակայն վերջինս կողմից պատասխան չի ներկայացվել:

«Մայն Թեք» ՍՊ ընկերության և «Ֆասթ Ինտերսերվիս» ՍՊ ընկերության միջև 25.07.2018թ. կնքված մաքսային միջնորդական ծառայությունների մատուցման թիվ 21-18 պայմանագրի 1.1 կետի համաձայն՝ կատարողը իրականացնում է ապրանքների մաքսային ձևակերպման՝ զննման,

այտարարագրման և բացթողնման գործողություններ և բեռնասպասարկման ծառայություններ, իսկ պատվիրատուն պարտավորվում է վճարել կատարողի ծառայությունների դիմաց: 2.1.1 կետի համաձայն՝ կատարողը պարտավոր է ծառայությունները մատուցել պատշաճ որակով և հնարավորինս սեղմ ժամկետներում: 2.2 կետի համաձայն՝ յուրաքանչյուր հանձնարարության կատարումն ավարտելուց հետո պատվիրատուին հանձնել պատվիրատուի կողմից տրամադրված, ինչպես նաև ծառայությունների կատարման ընթացքում ստացված և մշակված բոլոր փաստաթղթերը, բացառությամբ միայն կատարողին վերաբերող փաստաթղթերի:

ԵԱՏՄ մաքսային օրենսգրքի (այսուհետ՝ Օրենսգրք) 2-րդ հոդվածի 32-րդ կետի համաձայն՝ «մաքսային հայտարարագիրը» մաքսային փաստաթուղթ է, որը պարունակում է տեղեկություններ ապրանքների վերաբերյալ կամ ապրանքների բացթողման համար անհրաժեշտ այլ տեղեկություններ, իսկ 35-րդ կետի համաձայն՝ մաքսային հայտարարագրումը մաքսային մարմնում մաքսային հայտարարագրի միջոցով ապրանքների վերաբերյալ տեղեկությունների, ընտրված մաքսային ընթացակարգի վերաբերյալ և (կամ) ապրանքների բացթողման համար անհրաժեշտ այլ տեղեկությունների հայտագրումն է: Սույն հոդվածի 7-րդ կետի համաձայն՝ հայտարարատուն այն անձն է, որը հայտարարագրում է ապրանքներ կամ որի անունից հայտարարագրվում են ապրանքներ:

Օրենսգրքի 104-րդ հոդվածի համաձայն՝ ապրանքները ենթակա են մաքսային հայտարարագրման դրանք մաքսային ընթացակարգով ձևակերպելու կամ սույն Օրենսգրքին համապատասխան սահմանված այլ դեպքերում: Մաքսային հայտարարագրումն իրականացվում է հայտարարատուի կամ մաքսային ներկայացուցչի կողմից, եթե սույն օրենսգրքով այլ բան սահմանված չէ: ԵԱՏՄ մաքսային օրենսգրքի 105-րդ հոդվածի համաձայն՝ մաքսային ընթացակարգերով ձևակերպելիս, բացառությամբ «մաքսային տարանցում» մաքսային ընթացակարգի, մաքսային մարմին է ներկայացվում ապրանքների մասին հայտարարագիր: ԵԱՏՄ մաքսային օրենսգրքի 106-րդ հոդվածով սահմանվում են ապրանքների հայտարարագրերում նշման ենթակա տեղեկությունները: 106-րդ հոդվածի 1-ին մասի 4-րդ կետի համաձայն՝ հայտարարագրում նշվում են տեղեկություններ ապրանքների մասին, որոնց մեջ ի թիվս այլոց նշվում է անվանումը, նկարագրությունը, որն անհրաժեշտ է այն մաքսային վճարների, հատուկ, հակազնազցման, փոխհատուցման տուրքերի և այլ վճարների հաշվարկման և գանձման համար, ապրանքների ծածկագիրը՝ Արտաքին տնտեսական գործունեության ապրանքային անվանացանկին համապատասխան:

Օրենսգրքի 20-րդ հոդվածի 1-ին և 4-րդ մասերի համաձայն՝ հայտարարատուն և այլ անձինք ապրանքների դասակարգումն իրականացնում են ԱՏԳ ԱԱ-ին համապատասխան՝ մաքսային հայտարարագրման ժամանակ և այն դեպքերում, երբ մաքսային կարգավորման ոլորտի միջազգային պայմանագրերի ու ակտերի համաձայն, մաքսային մարմին են հայտնում ապրանքի ծածկագիրը՝ Արտաքին տնտեսական գործունեության ապրանքային անվանացանկին համապատասխան: Առևտրային, տրանսպորտային (փոխադրման) և (կամ) այլ փաստաթղթերում, ինչպես նաև եզրակացություններում, տեղեկանքներում, փորձագիտական հիմնարկների կողմից տրվող փորձաքննության արձանագրություններում նշված ապրանքների ծածկագրերը պարտադիր չեն ապրանքների դասակարգման համար: Օրենսգրքի 84-րդ հոդվածի 3-րդ կետի համաձայն՝ հայտարարատուն անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ հայտագրելու համար:

Օրենսգրքի 404-րդ հոդվածի 1-ին մասի համաձայն՝ մաքսային գործառնություններ իրականացնելիս մաքսային ներկայացուցիչն ունի նույն իրավունքները, որոնք ունի այն անձը, որը լիազորում է նրան ներկայացնելու իր շահերը մաքսային մարմինների հետ փոխհարաբերություններում: 2-րդ մասի համաձայն՝ իր գործունեությունն իրականացնելիս **մաքսային ներկայացուցիչն իրավունք ունի** իր կողմից ներկայացվող անձից պահանջելու մաքսային գործառնությունների իրականացման համար անհրաժեշտ, այդ թվում՝ առևտրային, բանկային և օրենքով պահպանվող այլ գաղտնիք կազմող տեղեկատվություն կամ այլ գաղտնի տեղեկատվություն պարունակող փաստաթղթեր և տեղեկություններ, և այդ փաստաթղթերն ու տեղեկություններն ստանալու այնպիսի ժամկետներում, որոնցով ապահովվում է սույն Օրենսգրքով սահմանված պահանջների կատարումը: 405-րդ հոդվածի 1-ին մասի 6-րդ կետի համաձայն՝ մաքսային ներկայացուցիչը պարտավոր է կատարել սույն Օրենսգրքով սահմանված և (կամ) անդամ պետությունների՝ մաքսային կարգավորման վերաբերյալ օրենսդրությամբ սահմանվող այլ պարտականություններ: «Մաքսային կարգավորման մասին» ՀՀ օրենքի 27-րդ հոդվածի 2-րդ մասի համաձայն՝ մաքսային ներկայացուցչի և հայտարարատուի կամ նրա լիազորած անձի միջև հարաբերությունները կարգավորվում են նրանց միջև կնքված պայմանագրերով:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 203-րդ հոդվածի 1-ին մասի 2-րդ պարբերության համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը, որի արդյունքում առաջանում է մաքսային վճարների պակաս հաշվարկում կամ չհաշվարկում, առաջացնում է տուգանք՝ այդ մաքսային վճարների 50 տոկոսի չափով:

Մաքսային կանոնների խախտումների վերաբերյալ վարույթի շրջանակում հաստատվել է այն հանգամանքը, որ մաքսային ձևակերպումների մասնագետ Անգին Աբրահամի Աբրոյանին տրամադրվել են անհրաժեշտ փաստաթղթերը՝ մասնավորապես թիվ GP20180701 հաշիվ-ապրանքագիրը, որում նշված է եղել տեղեկատվություն ապրանքի բնութագրական հատկանիշի՝ «Rod 3m» վերաբերյալ, ինչպես նաև վերջինիս տրամադրվել է տեղեկատվություն, այն մասին, որ ընկղման պնևմահարվածիչը հանդիսանում է օդաճնշային հարվածիչ, մինչդեռ Անգին Աբրահամի Աբրոյանը նշված ապրանքի համար ընտրել է ոչ ճիշտ ծածկագիր, ինչպես նաև Ա. Աբրոյանը որպես մաքսային ձևակերպումների մասնագետ կարող էր ընկերության տրամադրած փաստաթղթերի ուսումնասիրությունից պարզել ապրանքի նկարագրությունը, նպատակային նշանակությունը և պետք է միջոցներ ձեռնարկեր համապատասխան ծածկագրով դասակարգելու համար:

Անգին Աբրահամի Աբրոյանը 2021 թվականի օգոստոսի 31-ին հրավիրվել է ՀՀ ՊԵԿ իրավաբանական վարչություն՝ իրենց նկատմամբ ՀՀ մաքսային օրենսգրքի 203-րդ հոդվածի

հատկանիշներով սկսված վարչական գործի քննությանը մասնակցելու համար և միաժամանակ նախազգուշացվել, որ համաձայն ՀՀ մաքսային օրենսգրքի 219-րդ հոդվածի՝ չներկայանալու դեպքում վարչական գործի քննությունը կիրականացվի իր բացակայությամբ, սակայն վերջինս չի ներկայացել:

Այսպիսով, գործի նյութերով պարզվել է, որ ՀՀ-ում գործող «ՄԱՅՆ ԹԵՔ» ՍՊ ընկերության անվամբ 03.09.2018թ. թիվ 05100010/030918/0047933 ապրանքների հայտարարագրի 1-ին և 2-րդ ապրանքախին դիրքերով ՀՀ ներմուծված և փաստացի ԵԱՏՄ ԱՏԳ ԱԱ 7304 51 810 90, 8412 31 000 90 ծածկագրերով հայտարարագրման ենթակա ապրանքները մաքսային ձևակերպումների մասնագետ Ա. Աբրոյանը հայտարարագրել է ոչ ճշգրիտ ծածկագրերով, ինչի հետևանքով առաջացել են 742180 ՀՀ դրամի չափով պակաս հաշվարկված մաքսային վճարներ, այսինքն՝ Ա. Աբրոյանը թույլ է տվել ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ նախատեսված մաքսային կանոնների խախտում, ինչը հիմնավորվում է ՀՀ ՊԵԿ մաքսային հսկողության վարչության 16.07.2021թ. «Ապրանքի ոչ ճիշտ դասակարգում հայտնաբերելու դեպքում ապրանքի դասակարգման վերաբերյալ» թիվ ԱԴՈ-21-000054, 09.07.2021թ. «Ապրանքի ոչ ճիշտ դասակարգում հայտնաբերելու դեպքում ապրանքի դասակարգման վերաբերյալ» թիվ ԱԴՈ-21-000053 որոշումներով, 26.07.2021թ. թիվ 0049-Ա ստուգման ակտով, 03.09.2018թ. թիվ 05100010/030918/0047933 Ա/Հ-ով, «ՄԱՅՆ ԹԵՔ» ՍՊ ընկերության 09.07.2021թ. տեղեկությամբ:

Վերոգրյալի հիման վրա և ղեկավարվելով ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ, 206-րդ և 221-րդ հոդվածներով,

በጥበቃ ፍቃድ

1. Անգին Աբրահամի Աբրոյանին (անձնագրի համար՝ AN0338860, հասցե՝ ՀՀ, ք.Երևան, Իսակովի պ 38/3 բն 11) ճանաչել զանցառու ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ և նրան տուգանել 371090 ՀՀ դրամ: /900005024055 (կող-19) հաշվեհամարին/

2. Որոշման մասին հայտնել Ա. Աբրոյանին՝ պարզաբանելով, որ ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ այն կայացնելուց հետո 10 օրվա ընթացքում կամ Վարչական դատարան երկու ամսվա ընթացքում:

ԻՐԱՎԱԲԱՆԱԿԱՆ

ԿԱՐԶՈՒԹՅԱՆ ՊԵՏ՝



Ա. ՄՆԱՑԱԿԱՆՅԱՆ